



XUNTA DE GALICIA
CONSELLERÍA DE CULTURA, EDUCACIÓN
E ORDENACIÓN UNIVERSITARIA

Galicia **Skills** 2014

Galicia **Skills** 2014

III CAMPIONATO GALEGO DA FORMACIÓN PROFESIONAL

29 Peiteado

Convoca:



XUNTA DE GALICIA
CONSELLERÍA DE CULTURA, EDUCACIÓN
E ORDENACIÓN UNIVERSITARIA

Empresa patrocinadora:

L'ORÉAL
PARIS
PROFESSIONNEL

galicia



UNIÓN EUROPEA
Fondo Social Europeo
O FSE inviste no teu futuro



MINISTERIO
DE EDUCACIÓN, CULTURA
Y DEPORTE



Introdución e obxectivos

A Dirección Xeral de Educación, Formación Profesional e Innovación Educativa, da Consellería de Cultura, Educación e Ordenación Universitaria, da Xunta de Galicia, organiza o III Campionato Galego de Formación Profesional na especialidade de Peiteado.

Esta competición ten como obxectivo principal a promoción da formación profesional da familia de Imaxe persoal, así como a selección do alumnado que representará a Galicia na área de peiteado, no campionato estatal de formación profesional que se celebrará en Madrid no ano 2015.

Tamén destacan como obxectivos deste campionato os seguintes:

- Pór en valor a calidade e o atractivo das ensinanzas de formación profesional da familia profesional de Imaxe persoal que se imparten nos centros da nosa comunidade autónoma.
- Recoñecer e estimular o labor do profesorado.
- Motivar o alumnado para a mellora da calidade da FP.
- Potenciar as relacións dos centros onde se imparten estas ensinanzas coas empresas deste sector.

O peiteado refírese ao tratamento e coidado do cabelo das mulleres e dos homes. O coidado do cabelo abrangue todos os tipos de técnicas de coloracións, cortes, ondulacións, deseños de barba e peiteados. A través do asesoramento profesional e a creatividade, o/a peiteador/ora realza a aparencia estética e a personalidade da súa clientela.

A demanda de imaxe persoal implica un coñecemento amplo en competencias a nivel técnico-artístico e comportamento profesional. As persoas competidoras demostrarán nesta competición as habilidades técnicas e creativas propias das competencias asociadas a este "skill".

Os ciclos formativos relacionados con esta competición son:

- CM Peiteado e cosmética capilar.
- CS Estilismo e dirección de peiteado.

Requisitos de participación

- Cada centro presentará unha única persoa participante, que deberá ir na compañía dun profesor ou dunha profesora que se comprometa a exercer o papel de titor ou titora.
- As persoas competidoras deberán ter unha idade máxima de 21 anos o 31 de decembro de 2014.
- Deberán tamén estar matriculadas nun ciclo formativo no curso 2014-2015.
- Durante a competición realizaranse reportaxes fotográficas que se utilizarán para a difusión dos campionatos de formación profesional. As persoas participantes autorizan a utilización destas fotos e destes vídeos para tal fin.

Inscrición

A inscrición realizaraa o centro educativo, cubrindo a solicitude de inscrición e remitíndoa ao enderezo de correo electrónico sxftp@edu.xunta.es. Esta solicitude atópase na páxina web de www.edu.xunta.es/fp/galiciaskills, onde pode consultarse toda a información sobre o campionato.



O prazo de inscrición finaliza o día 30 do mes de abril.

Lugar e data de celebración das probas

A competición celebrarase no CIFP Someso, da Coruña, o 21 de outubro.

Contidos das probas

A proba consistirá na elaboración de traballos de carácter práctico en cabezas de manequíns. Constará de dous módulos. As persoas participantes teñen que levar a cabo de xeito independente as tarefas seguintes:

- Planificación.
- Organización e xestión do tempo.
- Valoración dos cabelos dos/das manequíns.
- Métodos e técnicas de traballo eficaces. Seguridade e hixiene no traballo.
- Selección de cosméticos axeitados.
- Deseño da técnica de aplicación de colorantes e/ou descolorantes.
- Deseño do corte e técnica de realización.
- Peiteado do cabelo segundo as directrices dos módulos.
- Liña do acabado final representando o estilo solicitado na proba.

Módulo 1: Estilo de día, con deseño de corte e realce de cor

Descrición do módulo:

- O estilo de día será comercial, de deseño actual e creativo.
- O corte e a cor deben reflectir un estilo de tendencia.

Permítese:

- Calquera tipo de técnica no realce da cor.
- Todos os tipos de ferramentas no deseño de corte.
- Todos os cosméticos, excepto xeles, espumas e sprays colorantes.
- A cor será de libre elección.
- Non será necesaria a aplicación da cor na totalidade da cabeza.
- O peiteado farase con secador de man e cepillos.

Non se permitirán extensións nin postizos.

Módulo 2: Recollido de noite

Descrición do módulo:

- Reflectirase un estilo elegante e formal de noite.

Permítese:



- Todos os tipos de ferramentas para o peiteado.
- Uso de recheos.
- Adornos que non impidan a visión do deseño do recollido (só se permite un 10 %).
- Calquera produto de acabado e estilismo.

Non se permitirán extensións nin postizos, nin o uso de ferramentas de corte.

Temporalización

- Módulo 1: dúas horas e media.
- Módulo 2: unha hora e cuarto.

O xurado penalizará os traballos fóra de tempo.

Criterios de puntuación

- Módulo 1: 50 %.
- Módulo 2: 50 %.

Materiais e ferramentas para achegar polas persoas participantes

- Secador de man, prancha e tenaciñas.
- Cepillos e peites.
- Ferramentas de corte de cabelo (tesoiras, navalla e maquinaña).
- Pinzas, ganchos, etc.
- Pantalón negro (a organización facilitará camiseta negra co logotipo GaliciaSkills).
- Accesorios para vestir o/a manequín logo de rematada a avaliación.
- Adornos, abelorios e calquera ornamentación axeitada para realzar a estética final dos/das manequíns.
- Recheos (só se se permiten nas probas).

Equipamento de protección (luvas, peiteadores, algodón, etc.) e material específico (papeis, cuncas, paletas, capas, etc.) que considere necesarios, segundo a técnica elixida para o desenvolvemento dos módulos, respectando os criterios de material non permitido explicados na descrición dos módulos e as normas de seguridade e hixiene.

A organización facilitaralle a cada participante a liña do equipamento e de cosmética.

Equipamentos de seguridade propios do skill:

- A organización terá dispoñibles equipamentos eléctricos, material e utensilios para casos de emerxencia.
- Todos os aparellos e utensilios deben cumprir os requisitos de seguridade.
- As persoas concursantes deberán manter a súa zona de traballo libre de obstáculos que poidan provocar accidentes.
- A indumentaria de traballo deberá cumprir as pautas establecidas,



- O incumprimento do disposto nas regras, nas normas e nas instrucións de seguridade do campionato facilitadas considerárase como infracción, o que leva consigo a perda de puntuación ou a descualificación.

Normas de seguridade e hixiene

- Identificación das saídas de emerxencia máis próximas ao lugar de traballo.
- Comprobación de todo o equipamento eléctrico antes de cada proba.
- Desconexión dos enchufes coas mans secas.
- Uso de luvas dun só uso durante os procesos químicos.
- Disponibilidade dunha caixa de primeiros auxilios para casos de emerxencia.
- Atención por parte dos membros do xurado a posibles casos de necesidade, que as persoas participantes manifestarán erguendo a man.
- Almacenamento das caixas das ferramentas na zona habilitada para tal fin.
- Uso de carriños para colocar as ferramentas durante o desenvolvemento do campionato.
- Colocación das toallas usadas nos lugares indicados.
- Depósito do lixo nos contedores axeitados.
- Mantemento do lugar de traballo e das ferramentas utilizadas en condicións de orde, limpeza e sequidade. Para tal fin disporase dos utensilios e dos produtos precisos (xabón, panos, vasoiras, caldeiros, fregonas, recolledores, contedores, etc.).
- Disposición de utensilios e produtos para a hixiene persoal das persoas concursantes (xabón, papel dun só uso, etc.).

Xurado

Será o responsable da avaliación das persoas participantes e a súa decisión será inapelable.

Estará constituído por dona Ana María Viéitez Castro, experta do skill de Peiteado de Galicia, que será a presidenta do xurado, e tamén polo profesorado da especialidade e por representantes das empresas patrocinadoras, de ser o caso.

Se algún membro do xurado é profesor ou profesora no centro onde curse os seus estudos algunha persoa participante, absterase de avaliála.

Premios

- A persoa competidora con maior puntuación obterá a medalla de ouro no skill de Peiteado e representará a Comunidade Autónoma de Galicia na Olimpíada SpainSkills 2015.
- Quen obteña a seguinte mellor puntuación en cada skill obterá a medalla de prata nesa especialidade, e será o suplente para representar a Galicia na Olimpíada SpainSkills 2015.
- Os premios faranse públicos nun acto conxunto de entrega de premios e diplomas.
- Se o considera oportuno o xurado, algún premio pode quedar deserto.
- Todas as persoas competidoras recibirán un diploma que certifique a súa participación en GaliciaSkills 2014.